

Wed 3<sup>rd</sup> Oct 1898



大清光緒廿四年

本館新聞除禮拜外每日出一張  
本埠外埠均可函致本館取  
閱如外埠閱報加寄費不  
也除日本英法德俄美各國  
借工本從英法德俄美各國  
紙各機器以待與英法德俄  
刊印書籍單件並有英法德  
體活字及各式花邊等延有  
西人排印工藝甚精所有石  
印文字均能刊印並精工刊

第五千零六十六號

# 申報

(號七第牌門口氣巴舊在設開館本)

印工級絕倫並延有文士書  
寫各體文字現由上海購到  
各種書籍出售其書目另行  
刊佈所有各項價甚相宜再  
本館所登來札原擇其有關  
世道人心者附登否亦須無  
礙於人而後始錄其有謾罵  
成文以及支離費解者概不  
登錄嗣後諸君來札尚祈  
自諒更須寫實里而後敢  
將原稿收回也本館謹白

戊戌八月二十日

英大一千八百九十八年十月五日禮拜三 (大英一千八百九十八年十月五日禮拜三) 每張售錢五文每月一元

移寓告白 ○啟者余現已移寓在土庫前芝亞里巷即舊麗如銀行邊前德律風公司巷內第一號門牌樓上辦理訟務倘遠近 諸君不棄謫陋惠然賜教祈即按址前來面商當不負其所託也此佈  
大清光緒廿四年八月十九日  
阮添壽謹啟

### 論製造緩急之序

言四民者曰農工商賈夫商恒富而工恒貧工受役於商者也為而先之說者曰先王所以抑末也然吾嘗審思而得之曰其非貴賤之謂而緩急為之先後歟雖有良工無材不足以飭化雖有良賈非貨不足以營遷工以成之商以通之此天下古今之通義也苟無工何以商商仰給於工而先後之序得焉西人以商立國蓋以工立國也英國出口貨歲值四萬餘萬磅法國三十六萬七千九百餘萬佛郎其不由機器而成者率不過十之一其他造船開礦製械築路一加生力助力之具莫不賴工以成國之富富以工也商以通古致治之道必以開物成務為先近來各國通商工藝煥興風氣日開中國地大物博聰明才力不乏傑出之英祇以困於舊習未能自出新奇現在振興庶務富強至計首在鼓舞人才各省士民著有新書及創行新法製成新器果係堪資實用者允宜獎賞以為之勸或量其材能授以實職或錫之章服褒以殊榮所製書器頒給執照酌定年限准其專利售賣別有能獨力創辦學堂開墾地利興造槍炮各廠有裨於挽回利權殖民大計者並著照軍功之例給予特賞以昭鼓勵其如何詳定章程之處著總理各國事務衙門即行妥議具奏欽此是知工藝之大用久在 宸廑之中薄海臣民無不怦怦與起嘗攷機器之要蓋有數端一曰質料堅實機器之大者引擎輪軸任重至千百墩故必經再三錘鍊而後成一曰分寸精確機件製不一地為物至重又不可頻頻試探設有差便成柄鑿一曰工程捷速一機中大小各件無慮千百計全具大機成本尤重即西國大廠亦不能製成待價遷延時日告成無期殊足增新機之阻力近來中國機器之用日以加多然以前各局無非購已成之機以為用殊不知失計之大莫過於此蓋大機器之值每具自數千元至數十萬不等開礦紡織無不如是華商能否獲利向無把握而洋商則安坐而享之華人之製造愈多洋商之獲利愈厚是未觀華商製造之利而先失洋貨進口之防非直此也即今 上切求才下有良法而徒手以成一器必且不勝其難累月窮年未能畢業即使驗有成效而續造之器未必能加速於初專利數十年所成會幾何耶翻沙作等於小機器若絞棉子機本間能仿製然鑄之質粗率不精斷難為工家良法苟有新器豈能取資若自出圖樣而交洋廠代製恐此權未必能行於域外亦非計之得也為今之計宜設製造大廠若干所購外洋製器之機摹繪開礦造炮造船及一切機器之圖樣取鐵政局之材料以自造各機但求精於其業自可挽回利權如或令有不得不妨官為倡導凡華人需用之機器概不得購自外洋或則重其稅釐潛寓禁令以轉移於不覺或謂機器極繁未必遽能仿製不知形式各異機件之總要無多橫桿輪軸螺絲尖劈斜面滑本具此六端已該眾妙其他精蘊全在布置之合宜故製機之機亦不過鋸鐵刨鐵汽錘拉鐵軋鐵鑿鑽鐵軋剪之類其他螺絲絲紋線等本有專機荷能精摹各圖何患無所依據夫而後新出之法製造易與保富之業利源不漏商得藉以營運兵得資其精械關我自有之利而不為被所挾制挽我己往之失而可冀與之抗衡斯則工藝之權與商業之遠源而 國家勸工之本論也奈何不一權其緩急也哉

上諭恭錄 ○七月二十日奉 旨巡視東城事務著富通阿去欽此 ○同日奉 旨巡視南城事務著唐椿森去欽此 ○同日奉 旨巡視北城事務著楊福臻去欽此 ○同日奉 旨工科滿洲筆帖式員缺著世魁補授欽此 ○同日奉 旨北城兵馬司副指揮員缺著吳玉堂補授欽此 ○二十七日奉 上諭前因振興庶務首在革除濫蔽當經諭令各衙門代遞事件毋得拘牽忌諱嗣因禮部阻格司員王照條陳當將懷塔布等予以重懲復先後諭令都察院及各衙門隨到隨遞不必拘定值日之期誠以百度維新必須明目達聰始可收敷奏以言之效第恐大小臣工習於積習不能實力奉行用再明白宣諭以後各衙門有條陳事件於次日即當呈進承辦司員稍有抑格該部院堂官當即嚴參懲辦不得畧于優容所有六月

十五日七月十六日諭旨七月十九日殊諭七月十七日及廿四日諭旨均令各衙門鈔寫一道同此件諭着一併懸掛大堂俾得萬目警心不至復萌故態以示朕力除蘊蔽之至意欽此○同日奉 上諭日講起居注官黃思永奏籌款設辦速成學堂一摺京師大小學堂業經先後降旨諭令孫家鼐及五城御史分別舉辦茲據奏稱小學堂收效尚易大學堂事屬創舉辦理不易欲速不能請自行籌款設立速成學堂以期收效等語用意殊屬可嘉著即如所請籌款試辦以爲之倡果有成效再行擴充並當予以獎勵著俟查明情形隨時具奏欽此○同日奉 旨青州副都統著正黃旗滿洲印務總領錫光補授欽此○同日奉 上諭都察院代奏四川舉人陳大錫等敬陳管見一摺所請將大挑教職騰錄各項人員於會試薦卷中挑取及科甲候補人員准其一體考差等語著吏部禮部會同妥議具奏欽此○同日奉 上諭中書部承臚奏請將各省教職改爲中小學堂教習一摺著孫家鼐議具奏欽此○同日奉 上諭刑部奏代題主事顧厚焜呈請京城郵政廣設分局郵察院奏代遞優貢沈兆衡呈請推廣郵政裁撤驛站各等語京師及各通商口岸設立郵政局商民既皆稱便亟應多設分局以廣流通至各省府州縣若能一律舉辦投遞文報必無稽遲時日之弊其向設驛站之處自應酌量裁撤著總理各國事務衙門會同兵部妥議具奏欽此○同日奉 上諭瑞澂奏編設報館實力勸辦一摺報館之設原期開風氣以擴見聞該學士所稱現在商約同志於京城創設報館編譯新報爲上海官報之續等語即著瑞澂辦以爲之倡此外官紳士民並著順天府府尹五城御史切實勸諭以辦期一律舉行欽此○同日奉 上諭瑞澂奏請考編修錫麟奏整頓部務擬令司員逐日到署辦事擬稿稽覈司員優劣等語所言尚屬核實著各部院堂官逐行認真整頓欽此○同日奉 上諭聖鴻機奏江陰南菁書院遵改學堂並將沙田試辦農學一摺江陰南菁書院經前學政黃體芳創設考課通省舉貢生監現既改爲學堂著准其照省會學堂之例作爲高等學堂以資鼓舞該書院原有自管沙田一項據稱擬添用西法樹藝五穀米蔬棉蔗等項將未耕墾熟之地先行試辦如有實效再行推廣等語學堂農會相輔而行洵爲一舉兩得之道該學政此奏具見籌畫精詳留心時務即著照所議認真辦理務收實效毋托空言欽此

美班議和電報 ○本坡實得力太晤士西報接十八日英京來電云美班兩國議和之舉已於十六日下午在於法京會議惟所議甚爲秘密外間無由得而知之云

美國電音 ○本坡實得力太晤士西報接十八日英京來電云美國海軍部現已預核來年用款而所核之數竟至四十七兆美銀之多此等用款乃美利堅立國以來之所未有蓋美國近來亦漸治兵欲從歐洲諸大國之後故有是舉也

意國電音 ○本坡實得力太晤士西報接十八日英京來電云各國已從意廷所請會議設法以便禁絕下那芝黨人之橫恣云云按下那芝黨專與列國之君上爲難而其黨則以意爲尤甚前者意王亦幾遭其毒手故特請於各國將黨人聯禁也

英法電音 ○本坡實得力太晤士西報接十八日英京來電云法國經已從英所請不必候法將馬贊之報即從速與英會議花梳打之事云云

電語照譯 ○本坡實得力太晤士西報接十八日英京來電云上海曾有報稱中國 大皇帝於西去月廿一號自盡云云然據眾觀之此事當係被害等語按此電報所述又似令人可駭然細觀之則又有不必爲之駭異者蓋其所謂西去月廿一號即華本月初六日然則此電所報之信息當即與本報於初八所接專電之信息同是一處而來不知何故延遲數日始轉轉而至英京乃再由英轉而至叻耳或曰此電實由英京太晤士報駐滬探訪人探實而後始電達英京者是又一說姑并存之

弭兵詭計 ○前者俄皇請於各國欲設弭兵之會各節經已錄登茲接東瀛信息云當時俄廷并將此事請於日本日本廷得接來文後即電致其駐俄公使命其密查俄廷命意所在旋接俄使電覆俄人之意一則因其近來在於東方所行之事見英國大爲洶動因恐以此觸英之怒故欲行弭兵之會冀得挽回再則俄國庫欸已空加以荒災迭報武備大修諸費冗繁勢不能支故出此策云云按俄人居心叵測恒以吞噬爲能譬之六國強秦震宇皆知而俄人又深恐惡名彰著爲天下疑忌必至無人與之交接是以俄之君臣忽思變計貌爲仁慈伴作弭兵會遂照會日本勸誘入會蓋恐日本窺知其奸藉此以杜日本政府之口也

勞若無人 ○中俄滿洲鐵路原約自吉林伯都訥之南折入奉天遼陽直達旅順大連灣俄國界而已並非佔奪中國滿洲線路按中國線路自小黑山南折抵營口詎料俄人亦從海城附近造一支線以達營口似此舉動實出原約之外其悍然不恤人言抑何竟至於此并聞已定於兩個月以後動工所需鐵軌枕木均從日本運來沿途停車場業經勘定地段幾若奉天吉林鋪設鐵路之權俄人固所自有而中國反無此權反客爲主誰之咎歟窺俄人所欲鋪設營口鐵路者因營口土產黃豆爲大宗一年價值有四百萬兩內一千七八百萬兩係運入日本者其進口之貨則係印度棉紗美國棉布譯朝日報

磚茶獲利 ○中國磚茶自今春更設新法以上品名茶細末製成小塊運俄消售者約有一百萬斤此等磚茶皆備行軍暨行商所用

取其便於携帶業此者已獲利三倍矣

歸功香帥 ○中國政府一日奮發有為歐州各國莫不吃驚旁觀評論以為北京台閣中大有人在殊不知此功實肇端於鄂督張香帥按香帥銳意政治極喜以新法從事最難得者以國家之財辦國家之事如開機廠製造一切通商惠工開學校育人才舉賢任能即出使日本黃公度觀察亦為其所舉又派留學生前往日本肄業既教中日唇齒之交更消兄弟鬩牆之隙誠見誠超卓於儕輩其尤難者不肯稍蓄私財為子孫計與俗吏居官三年即可坐食三世祇知為己而不知為國者大相逕庭矣且中國富強之基已發端於香帥則雖有赫赫之功不求藉藉之譽昔人所謂我有大功而不必使人知者殆即香帥之謂歟其度量為何如耶譯北門新報

榮中堂宴請伊侯坐位 ○津友來函云日本伊侯將於去月廿六日至津慶紀前報直督榮中堂特派王苑生觀察出塘沽迎迓觀面之際觀察即備述榮中堂迎慕之意并在津預備款待各情伊侯大為欣感并告知中國如有諮詢借助之處甚願竭力相助云云至二十七日早九點鐘伊侯拜謁榮中堂談歷一點鐘之久其如何議論外人不得而知中堂旋即命駕拜會即於下午六點鐘在北洋醫學堂張謙款待所有座次前後詳列於左 第一位伊侯 第二位大島船主荒木君 第三位大岡育造君 第四位頭本元貞君 第五位森泰次郎君 第六位時岡茂宏君 第七位領事陳永昌君 第八位副領事藤田豐三郎君 第九位郵政局岡直孝君 第十位繙譯井原直澄君 陪座 第一位臬臺袁慰廷廉訪 第二位提督聶功亭軍門 第三位運使方勉甫都轉 第四位關道李少東觀察 第五位天津道任毓華觀察 第六位臬臺袁慰廷廉訪 第七位楊俊卿觀察 第八位譚芝雲觀察 第九位黃花農觀察 第十位汪君牧觀察 第十一位承鏡宇觀察 第十二位王苑生觀察 第十三位蔭午樓觀察 第十四位柯松坡觀察 第十五位潘子諱觀察 第十六位那錫侯觀察 第十七位那華祝觀察 第十八位天津府李少雲太守 第十九位天津縣呂秋樵大令 繙譯官四位 東文陶杏南大使 英文蔡述堂直牧 伍昭慶太守 林理堂司馬

盛京卿考試大學堂題目 ○雲津鯉訊云北洋頭二等學堂為盛京卿籌款創辦此次京卿因公來津本擬赴堂將全堂學生分別親自考試以資獎勵嗣因上海電催於本月十四日忽從就道僅至學堂一觀不及親考茲寄到題目數紙即屬該學堂總辦飭各教習於十八日監考茲將題目錄左 律例學生題 問公法凡各國人流寓他國應遵守其寓國之律今中國通商各口及內地遊歷之西人均用其本國之律而中國之治權已失試言其當日受病之故與將來補救之法 頭等各班題 中國開辦農工商局試言其辦法 二等各班題 中國修改則例有應刪應增應改輕為重改重為輕應改繁為簡改名為實試臆陳之 鐵路學生題 北京設立鐵路總局然中國之鐵路有官款辦者有洋款辦者有中西合辦者有西人獨辦者將來尚有民辦者試詳其劃一章程

夜郎自大 ○朝鮮臣民稍有一知半識即妄自尊大常謂我比日本如何日本維新三十年即威震歐亞雄長東方我朝鮮一朝崛起繼日本而霸東方實在意料之內然旁觀者聞之幾掩耳而走彼之君暗臣佞將弱兵怯非但紀律毫無即七萬七千方里半島國而亦無軍艦一艘政府又賄賂公行上下營私祇知有己而不知有國人心腐敗已具亡國之徵尙侈口稱強耶夜郎比漢判若霄壤其君若臣恬不為怪真可恥也

同聲一哭 ○北洋新造海容軍艦現已完工駛回中國停泊於天津大沽口外按大沽本於停泊軍艦之所向例新艦到華必駛入軍港船塢查勘艦質之良窳工程之精粗乃北洋軍港除旅順外則有威海膠灣南洋則有閩之福州今旅順歸於俄人拒而不納威海英官因忌該艦多載德人亦拒不容入膠灣雖有船塢政府亦不願駛入福州較遠又殊不便嗚呼中國二十三行省軍艦雖有數處竟不能容一兵艦該艦命名海容真有其名而無其實矣是誰之咎

雷郡郵音 ○雷州友人來信云廣州灣一地已歸法人管轄當交割伊始輿情震動風聲鶴唳一日數驚自大憲倣委太守攝理府篆以來兼派撥福軍兩營駐紮其地人心稍為安謐商民之倉皇遷徙者至是皆復回安業貿易如常由省垣販貨前往者亦蟬聯不絕幸早造田禾足稱中稔懋遷之場因是饒有起色近日由省運往棉夾衣等物為數頗鉅蓋將屆冬令人皆購以禦寒也又聞駐防該處之福軍兩營需糧孔亟昨經善後局憲發出餉項委安瀾兵輪解往支支該輪船業已啟行數日想必安抵該處妥為交收矣

去職續聞 ○禮部因阻柳王京卿條陳至六堂官皆礙職惟會侍郎廣漢到署纔兩日軍機為之討情 上云誰叫他跟着許應騷走故併去之

上書告愆 ○有某大員因王主事條陳事被讞人皆冤之謂其罪不至於此也某生近擬一書欲為某公告慰脫稿後為友人所見爰郵至本館照登報中其畧云近閱邸抄知公解組而歸凡屬里人無不為公落歎而僕獨為公慰焉何也蓋時事多艱公以垂暮之年處多謗之會其不能安於位者固勢所必然即公作戀闕之餘思誰為公挽趁此歸去樂得安閒所以慰也雖然公登仕途亦已久矣平日之旅進旅退無所短長足見田文苑窟之營別具經濟乃夙昔可以免史議而卒取於暮年使公早知宦海升沉原難逆料則所以去位者當不在今日矣俄之

不宜揖以誘我也公宜諫之地之不宜輕以予敵也公宜諫之各官不職公宜糾參國政日非公宜力辯諫而不聽遂初服馬豈不甚善而公如弗聞也如弗知也凡以為固位計也而位終不可固撫衷自問能勿悔耶夫罷李綱以媚金人早於李鑑堂中丞見之矣端倪一露即逐漸而來公味先幾如此結局得勿官囊未滿尚有希冀於其中耶抑受恩甚深不忍舍君而去耶嗟嗟嗚呼有乘除才有新舊古樂雖正易如新聲公不自維欲遂分道揚鑣之願亦太自苦耳僕與公向稱神交雖分隔雲堦而不敢自外故冒昧以進乞為鑒原且更有請者古大臣不以黜陟為榮辱盡於閉戶之暇自思已過則其氣自平使公尚列朝班其何以對文御史彼此計較可知其然矣公固達人諒不以傳言為莽撞奉教有日行將負荆此啟

報館電費之鉅奇聞 ○文尼刺降服之期美國紐約京城著名隙那魯度報館是日所出電費數實不資至急電報一函計美國金洋錢一萬一百七十七元二角合銀洋二萬二千元某日陸續電費共計金洋二萬一千九百六十七元七角五分合銀洋四萬元該電局為伊斯達魯伍夜結斯殿凶電報公司香港分局在東洋一帶一日收此鉅款實為從來所未有也錄蘇報譯領西日報

國聞報記上海昌言報館事 ○時務報已奉 旨改為官報而原報又由汪等改名昌言報彼此爭執疊見兩家告白固毋庸為之曲諱茲有友人從南來述及此事已派黃公度京堂查辦而黃公有勒令交出之語江西翁小山方伯并飭各屬不准看昌言報聞係有人指使而然外邊傳言云汪穉卿侵用公款項不少湖廣總督張香帥電問汪穉卿究竟虧空若干汪覆電云各處未收報費約千餘元康年便用六百元梁參諸君亦用去一千餘元餘外實無虧空惟前奉 上諭僅云改時務報為官報未云將時務報費本交出且此項費本均係民捐是以將原有底本改設昌言報如康督辦必欲勒令康年交出則康督辦上午到申下午康年即可交帳云

工部局控案 ○昨十九日為傳訊工部局控案之期計本屆所訊者新案六十起舊案六十七起所罰之項最多者一十五元最少者二元

跌斃報驗 ○瓊人韓亞丁在某輪船上傭工昨由納閣抵叻詎於十九早九點餘鐘時忽然失足跌於艙底以致斃命即經巡差將屍送院報聞請驗矣

娼寮命案 ○十八夜十一點鐘時本坡新街再旺樓娼院內有刺妓斃命之案出焉妓名梁帶好兇手則粵人黃亞順也是夜黃到寮中不知何故突出利刃將妓小腹刺傷妓即呼號龜鴛咸集將黃執獲交差送案一面送傷者至西醫院中調治奈傷勢過重至翌早五點鐘之際即已斃於院中此案於十九日已由府尊提訊一次命展至廿五日再訊至於此事之所由起則傳者不一其詞有謂妓向在菜佛某寮不能自主因乞黃携之來叻願謝洋銀百元不意到叻之後止給銀五十元黃深銜之故至下斯毒手或又曰該妓乞黃携其逃遁之際已許嫁黃為婦後因背約黃故銜之然是皆傳說之詞不知孰實也

瑣案摘登 ○瓊人林貴於十七夜偕有戲劇在甘公爪亞路開演詎至已逾時刻猶未收場即經巡差向前查問林即以洋銀二元賄之差怒乃控林於案中十九日府尊提訊判罰林銀五十元無銀改禁一月○前報瓊人符亞東在加籠路擡破叻產閩人陳姓之屋欲圖行劫一案查符係被第二百四十一號穆拉油差所獲此案於十八日業經府尊提訊以符向未有行劫實跡該差所說顯有不實之處乃命將符開釋惟符出至署外復經巡差將其獲回謂符已犯罪監禁九次之多今於夜間復携利器而行顯係不安本分等語故十九日復經府尊訊定將其監禁兩月惟原捕巡差控其行劫虛矢誓詞亦有應得之咎故由總差將其扣留以憑控究矣

京報選錄 ○大學士臣李鴻章等謹奏為遵 旨分別籌議具奏事光緒二十四年七月十四日奉 上諭國家設官分職各有專司京外大小各官舊制相沿不無冗濫近日臣工條奏多以裁汰冗員為言雖未必盡可准行而恭酌情形實亦有亟當改革者朕維授事命官不外總數名實現當開創百度事務繁多度支歲入有常豈能徒供無用之冗費致礙當務之急需如詹事府本屬閒曹無事可辦其通政司光祿寺鴻臚寺太僕寺大理寺等衙門事務甚簡半屬有名無實均著即行裁撤歸併內閣及禮兵刑等部辦理等因欽此又於七月十六日軍機大臣面奉 諭旨詹事府通政司光祿寺鴻臚寺太僕寺大理寺等衙門現已裁撤所有各該衙門一切事宜歸併內閣六部分辦著大學士六部尚書侍郎即行分別妥速籌議限五日內具奏欽此仰見我 皇上振興庶政綜覈名實不厭求詳之意臣等竊惟裁併官職為今日當務之急然各衙門承辦多年另改舊規非取其素有交涉者以類相從不足以臻妥善難案 會典內載詹事府掌文學侍從擬請歸併翰林院通政司掌納各省題本擬請歸併內閣光祿寺恭辦 典禮及燕勞薦饗鴻臚寺掌朝會燕饗擬請歸併禮部太僕寺掌牧馬政令擬請歸併兵部大理寺掌平天下刑名擬請歸併刑部惟歸併之後事既更張有同新創其中頭緒繁多一切事宜非倉猝所能遽定應由各該衙門移取職掌文卷悉心校閱體察情形斟酌辦理另行詳議具奏庶名雖改而實猶存不至冒昧從事致貽貽誤以仰答我 皇上宵旰焦勞孜孜求治之至意如蒙 俞允由臣等即行知各衙門調取文卷飭員迅速辦理如有未盡事宜各該衙門隨時具奏請 旨所有遵 旨分別籌議緣由是否有當謹合詞具陳伏乞 皇上聖鑒再此摺係內閣主稿合併聲明謹奏奉 旨依議欽此○李鴻章等片 再通政司歸併內閣臣擬派滿漢侍讀

不宣揖以誘我也公宜諫之地之不宜輕以予敵也公宜諫之各官不職公宜糾參國政日非公宜力辯諫而不聽遂初服馬豈不甚善而公如弗聞也如弗知也凡以為固位計也而位終不可固撫衷自問能勿悔耶夫罷李綱以媚金人早於李鑑堂中丞見之矣端倪一露即逐漸而來公味先幾如此結局得勿官囊未滿尚有希冀於其中耶抑受恩甚深不忍舍君而去耶嗟嗚呼有乘除才有新舊古樂雖正易如新聲公不自維欲遂分道揚鑣之願亦太自苦耳僕與公向稱神交雖分隔雲堦而不敢自外故冒昧以進乞為鑒原且更有請者古大臣不以黜陟為榮辱盡於閉戶之暇自思已過則其氣自平使公尚列朝班其何以對文御史彼此計較可知其然矣公固達人諒不以傳言為莽撞奉教有日行將負荆此啟

學士並滿漢侍讀中書數員專司其事其通政司設有登聞鼓擬請移至都察院設立帶同批文之通政使李端遇李培元衙門已經裁併擬請於漢內閣侍讀學士內揀員派充大理寺業已歸併刑部內閣所票三法司簽支擬改法司以昭允當又所有裁汰應升應轉各員應由吏部查明照例題奏聽候錄用其各項屬員亦由吏部酌量分別補用以免向隅其已裁併之各衙門地址應留作中小學堂及各項公所合併聲明附片具奏奉旨依議欽此○經廷講官戶部尚書臣宗室敬信等謹奏為遵旨刪定則例將辦理情形先行具奏恭摺仰祈聖鑒事光緒二十四年六月十一日奉旨上諭李端遇奏請刪改則例等語各衙門或有例案勒為成書原皆盡一不特易於遵行兼可杜吏胥任意准駁之弊法至善也乃閱時既久各衙門例案太繁堂司各官不能盡記吏胥因緣為奸舞文弄法無所不至時或舍例引案尤多牽混附會無論或准或駁皆恃例案為藏身之固是非大加刪訂使之歸於簡易不可著各部院堂官督飭司員各將該衙門舊例細心細繹其有謬涉兩岐易滋弊混或貌似詳細揆之情形實多窒礙者概行刪去另定簡明則例奏准施行尤不得藉口無例可援濫引成案致啟弊端如有事屬創辦不能以成例相繩者准該衙門隨時據實聲明請旨辦理仍按衙門繁簡立定期限督飭司員迅速辦竣具奏將此通諭知之欽此又於七月初八日奉旨上諭前經諭令各衙門刪定則例並令各堂官督飭司員限期速辦現在已將匝月著各衙門將辦理情形先行具奏欽此先後由內閣鈔出到部查臣部則例自同治十二年纂修以後迄今已閱二十餘年舊例回應重加刪訂成案亦應擇要編纂臣等自欽奉前次諭旨已於司員中選派提調官一員提調兼總纂官六員纂修官二十四員校對官二十四員繕清兼遞摺官四員各按職司勤慎將事一面責成派出各員將舊例之繁複牴牾者先擬黏簽刪除一面督飭各司處彙齊檔案詳細稽核如查有與例變通而遵行並無窒礙者亦擬黏簽編入仍由臣等公同參酌考定明確然後繕寫黃冊進呈欽定惟臣部例案繁多非倉猝所能集事上屆纂修則例期限一年始行完竣此次欽遵諭旨刪定則例擬照上屆成案自奏明奉旨之日起限一年迅速編輯屆期務令竣事不敢稍有稽遲所有遵旨刪定則例將辦理情形先行奏明各緣由理合恭摺具陳伏乞皇上聖鑒謹奏請旨奉旨一道

工部局告白 ○啟者特此通知凡新嘉坡工部局內所轄各地段諸人照例可以充當局員及有權可以在各段公舉他人以為局員者其芳名冊業經改正列入國家憲報之內並有底冊存於本局寫字樓以便諸君到而查閱至諸人有權可以入票公舉局員及其自己可充局員而其名尚未列在更改冊內者祈即將其芳名及其居住專業等具字通知本局司理人可也特此佈告  
西一千八百九十八年十月四號 署工部局司理人繆慈丕奉命謹啟

北慕娘國家招人承充餉碼告白  
啟者茲北慕娘國家欲招人入票承充以下所列各餉碼其票當於西一千八百九十八年慈民末月十五號以前送交仙那港輔政司署以憑選擇至此餉碼係承充一千八百九十九年一載為期茲將各碼開列如左  
鴉片烟餉碼 酒牌餉碼 當舖餉碼 北慕娘出入口稅餉碼 北慕娘賭碼 所有一切詳細情形可向本行詢問便能知悉特此佈告  
西一千八百九十八年九月二十四號 北慕娘國家駐紮新嘉坡代理人牙直里洋行謹啟

荷蘭總領事示 ○大荷蘭國駐叻總領事府尼域 為曉諭事照得西本年屋多末月十號及十一號有勿連木八十五久密棉打在巨港出投為此示仰商民人等知悉汝等有欲採購者其如期前往投可也特此諭知  
西一千八百九十八年九月十七號 示

新式快車出售 ○啟者本行現由美國到有新款兩輪之足踏車此等快車名曰麗敦車身甚輕故能快捷而行駛又不須費力且復堅固耐久乃足踏車中頂上之品至本行所到此等之車各款俱備以憑選擇 諸君有欲購用者祈早 惠臨選沽為盼  
大清光緒二十四年八月十五日 西歷一千八百九十八年九月三十號 勞民申雜貨公司謹啟

草聖暫駐 ○朝鮮尹君漢石草法本地人士已所欣賞今由吉龍而返叻現寓於單邊街新巨泰三樓開筆更駐一月動身其潤資均照舊例新到上海箋及金榜紙寄售  
光緒廿四年七月十八日 啟子

藥店召頂 ○啟者茲有藥店一間生理尚堪過得祇以該店主人事務太煩不能顧及今欲將此店頂與他人承受有合意者請至叻報館面詢便得  
光緒二十四年七月初三日 叻報館代啟

新印台灣地圖寄售 ○啟者茲有新印之臺灣地圖精細異常經緯度數井然不紊所謂羅千里於咫尺者目今台事戰爭未已有正人心所宜亟為攷究者 諸君賜顧請移玉至本館面商可也  
大清光緒二十四年五月十三日 本館謹啟

**新到上等機器油**

啓者茲本行有新到之機器油一種此油乃上等之貨所有輪船火礮火鋸及一切機器如用此油者較於卑麻油實有過之且其價值較卑麻油爲廉每担約少三四元之譜 諸商有欲購用此油者可至本行取其油辦試之即能知其妙處更可以見本行之語非虛也特此佈告  
大英一千八百九十八年八月十八號  
禧珍目兄弟公司謹啟

**實知寶西醫鑲牙告白**

啓者余精習鑲牙之業并知牙科醫道凡與人脫牙并無痛楚而所鑲之齒由一二枚以至全副俱能鑲妥如鑲全副者乃用最新之法其齒自能嵌固勝於舊法用彈弓者多倍又能以電氣參入醫道以醫脚風骨痛現再究得新法能治肺疾及風濕疼痛骨節強硬等症并爲烏里燕達性命保險公司代理華人性命保險之事 諸君賜顧請至未得里路第六號門牌樓上  
面商爲盼  
大英一千八百九十八年六月二十八號  
牙科醫生實知寶謹啓

**店舖出租**

啓者茲有店舖一間坐落溝仔墘第廿五號門牌即順源棧之隣前經該棧稅爲貨棧者茲欲將其樓下及後樓出租與人諸君有欲稅住者請至墊那路頭豐興號內向余詢問便得特此佈聞  
光緒廿二年十月廿四日  
薛連錫謹啟

福建漳州府詔安縣江天恩先生精岐黃之術存保赤之心發藥不虛活人無算於何見之緣豚兒本年正月間偶沾外感之症午後潮熱發帶延醫治理後變爲癆瘵初不以爲要及至閏三月忽兩骨枯肉脫昏迷不省人事兼以泄瀉日夜臥於床席諸藥罔效幸允昌號黃孫江兄見此症危甚特地爲余保荐云非江先生難期奏效於是敬延診視不數劑而藥到春回十餘日而大病消除精神強固於戲先生醫道可謂神矣具此手段非折肱妙手曷克臻此昔人所謂一鄉有良醫乃一鄉之福一邑有良醫固一邑之幸先生今在豆腐街口致中和藥行內懸壺濟世豈非星嘉坡之幸哉余先受其福焉爲勸數言以鳴謝悃甚願有采薪之憂者登堂請教定卜同躋於仁壽也夫  
大清光緒廿四年七月廿三日 鄭譽錦敬啟

**時雨軒藥酒發售**

蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醱釀故其奏功甚速迥與別家不同即如道風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又車中跌打藥酒如跌打刀傷積瘀暴腫服之併可舒筋絡而止痛痛大樽價銀一元小樽價銀五角及婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎爲記庶不致悞惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在新嘉坡小坡直街廣茂生號寄售 一在芙蓉埠廣生號寄售 一在吉隆坡恒棧號寄售  
大清光緒廿四年六月廿九日 時雨軒主人謹啓

**正呂宋烟發客**



啓者本號親自在小呂宋採辦意未卯拿廠揀選正地道烟葉製造各款星妹麥仙花麥雙馬呂宋烟枝經已馳名中外其雙馬麥中更有二百庄白結度經尤爲冠美氣味香順蒙探客留心細察庶免魚目混珠今在新架坡馬交街門牌第四十三號並承辦各款呂宋烟發行貨真價實最屬相宜以圖久遠 諸君光顧請移玉到本號面議是禱各款麥頭太多不能盡錄謹此佈聞  
大英一千八百九十六年十月十九號  
新嘉坡馬交街生昌泰謹啟

**豐源號**

本號輪船往來各埠定期開列如左 在各埠往實叻日期  
由麻六甲往芙蓉每逢禮拜二六日中午十一點鐘開行  
由各埠回實叻之日  
由麻六甲回芙蓉每逢禮拜二五日上午十點鐘開行  
由芙蓉往吉隆坡每逢禮拜二六日下午六點鐘開行  
由芙蓉往芙蓉每逢禮拜二四日下午四點鐘開行  
由麻六甲回實叻每逢禮拜二五日下午四點鐘開行  
各輪船在叻往麻六甲吉隆坡實蘭午 等禮拜五日三點鐘開行特此佈  
豐源號謹啓

光緒廿三年九月廿四日

正金鐘標萬蘭池酒發客



啓者本公司所督辦正金花鐘標萬蘭池酒久已馳名叻地諸華商均喜用之現已議定與本坡酒公司包辦以應零沽凡華語諸君有欲零沽者請至酒公司沽買便得如買成起以便配往外處者仍可至本行沽買至此酒

所上有各學如無本行不殺呼峇華字者即爲假貨幸勿爲之誤買本行有厚望焉  
大英一千八百九十八年正月十三號  
不殺呼峇即前加珍洋行謹啟

製法之法  
精妙異常  
酒味甚清  
以之蒸釀  
者皆爲上  
等之料保  
無僞充之  
弊此酒若  
飲在本坡  
飲甚屬合  
宜且價亦  
甚廉諸  
翁沽用須  
爲留心辨  
明以免魚  
珠之混現  
新嘉坡嘉  
祖辦專  
家頂上美  
殺峇呼峇  
不公司  
認明印標  
諸君光顧  
庄原庄  
認明印標

紅首冠仔標萬蘭池酒出售

啓者本公司所製之紅首冠仔標萬蘭池酒馳名已久乃在歐洲名家所製自一千八百一十九年相傳至今已閱八十年之久而其酒有收存數十年方肯出而沽賣蓋者其熱氣概已全消所以諸君沽飲者均深獎譽現在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等西字爲憑庶免爲魚珠之混是所切盼




Bisquit Dubouché & Co.  
COGNAC

大英一千八百九十七年二月十二號  
不殺呼峇即前加珍洋行謹啟

戊戌年月份牌發客

啓者本館新印戊戌年華英月份牌現經告竣至本年刷印所以畧遲之書實緣明年晦朔節氣頗有參差本館鑒於前年所地諸家之誤故有敢冒昧從事爰特按照欽定時憲由詳加校勘所有差餘氣節悉無訛舛庶得以仰副諸君子惠顧之殷至於圖畫之式亦已概改舊觀以期一新眼目諸君賜顧請移玉至本館面議價其相宜倘欲躉買更當格外從廉特此奉聞諸惟 惠照 本館謹啓


鐵廚出售




啓者本行所售之鐵廚在本坡馳名已久素蒙各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極爲美善本坡所有西人齊習人以及作椒蜜生理諸華商多向本行沽買以爲貯銀之用因本行所沽者均用頂上物料製造而成不惟能壯觀瞻並且異常堅固無論火燒盜劫均可無虞貨美價廉莫此爲甚倘各君有欲購此廚以收藏重寶者可至本行選閱是幸此佈  
大英一千八百九十八年正月十三號  
不殺呼峇公司即前加珍洋行啟

售發廚鐵名馳

嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用



有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商




所喜購而本行每年所沽亦殊不鮮茲特為之錄佈倘臨選購為盼 大英一千八百九十八年正月一號 大清光緒二十三年十二月十八日

諸君有惠顧者祈即玉

明嗎也洋行謹啟

售出品三

啟者本行督辦歐洲馳名三品洋酒來叻發售其酒係白頭款式發售有年沽飲諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後諸君購買本行白頭三品酒者請細認本號招牌之內有小紙包頭註明華字新嘉坡級明嗎也公司者始真若無此字樣即屬偽冒請為細認特此佈告 大英一千八百九十八年正月一號 明嗎也洋行謹啟



賣發酒密烏



啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭票烏蜜酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也諸君光顧應細看以上所列之狗頭標庶不致誤且價甚相宜倘諸君有欲酷飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟




IVE BRANDY

啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至惠臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟

明嗎也洋行謹啟

賣發酒蜜



啟者茲本行由歐洲辦到上等蜜酒來叻發售其酒甚佳茲將標頭印出諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往加勝巴三寶瓏泗里末望加錫檳榔嶼日裡等處其他埠均能運往並此佈聞 大英一千八百九十八年正月一號 光緒廿三年十二月十八日 明嗎也洋行謹啟

明嗎也洋行謹啟

